

সিনিয়র রিপোর্টার | শিক্ষা | 18 June, 2025

শিক্ষা মন্ত্রণালয়ের অধীন পরিদর্শন ও নিরীক্ষা অধিদপ্তরের (ডিআইএ) নিয়োগে অনিয়মের অভিযোগের তদন্তে তিন সদস্যের তদন্ত কমিটি গঠন করেছে মন্ত্রণালয়।

আজ মঙ্গলবার (১৭ জুন) শিক্ষা মন্ত্রণালয় থেকে এই কমিটি গঠনের আদেশ জারি করা হয়। এতে স্বাক্ষর করেন সিনিয়র সহকারী সচিব (প্রশাসন ও সংস্থাপন শাখা) জাবের মো. সোয়াইব।

কমিটির আহ্বায়ক করা হয়েছে মন্ত্রণালয়ের উন্নয়ন শাখার যুগ্ম সচিব বরাদ হোসেন চৌধুরীকে। অন্য সদস্যরা হলেন—বেসরকারি কলেজ শাখার উপসচিব আ. কুদ্দুস এবং সিনিয়র সহকারী সচিব জাবের মো. সোয়াইব। কমিটিকে পাঁচ কর্মদিবসের মধ্যে মতামতসহ তদন্ত প্রতিবেদন জমা দিতে বলা হয়েছে।

এর আগে ১৫ মে আজকের পত্রিকায় ডিআইএর নিয়োগের অনিয়ম নিয়ে ‘সকালে পরীক্ষা, রাতেই ফল’ শীর্ষক প্রতিবেদন প্রকাশিত হয়। প্রতিবেদনে বলা হয়, শিক্ষা মন্ত্রণালয়ের অধীন পরিদর্শন ও নিরীক্ষা অধিদপ্তরের (ডিআইএ) চারটি পদে নিয়োগের লিখিত পরীক্ষার ফল প্রকাশিত হয়েছে বলেটগতিতে। সকালে ৩ হাজার ১০৫ জন চাকরিপ্রার্থীর লিখিত পরীক্ষা নিয়ে রাতেই ফল প্রকাশ করা হয়েছে। ফলাফল প্রকাশে এমন গতি, ডিআইএ কর্তৃপক্ষ প্রশ্নপত্র প্রণয়ন করায় এবং খাতা মূল্যায়নের ব্যবস্থাপনায় থাকায় এ নিয়োগ কার্যক্রম নিয়ে অনিয়মের অভিযোগ উঠেছে।

পরে গত ১৯ মে ডিআইএ নিয়োগের লিখিত ও মৌখিক পরীক্ষা স্থগিত করা করা হয়।

তদন্ত কমিটি